

**kā-naspasinahikātēk kwayask itastāsowi-
isihcikēwin**



MANITOBA
2024/25



kā-nāspasinahikātēk kwayask itastāsowi-isihcikēwin 2024-25

kwayask-itastāsowi-isihcikēwin nistawinam Manitoba ē-astēk ota askīhk ita kayās kakī-oh-tācōhowicik mīna kakī-wīkicik ininiwak. tēpakohp tahtowihkān ininiwak ihtāwak ota Manitoba: Dene(cipwēyan), Dakota (pwatak), Ojibwe (Anishinaabek), Cree (nēhinawēwak), Anishinewak, Metis, ēkwa Inuit. oma isihcikēwin nistawinam mīna ota Manitoba anisininiwak ē-oh-tisicik wīstawāw anihi ohci kayās wīcēhtowina, ēkwa anohc oki isihtwāwina , mīna kihci-asotamākēwina kakī-asohtamāhcik ininiwak asici onīkānīwak māka kiyāpic ākamēnihtamowin ayāwak ininiwak, mistahi kēkwān ēkī-pakitinahkik ta-wīcīwēmakahki ota Kanata, māka kiyāpic kitimākisiwak misiwē isi, mona kwayask ē-itōtāhcik. oma isihcikēwin otinam anita ohci kā-natawēnihtākwahki ta-itocikāteki (CTA) asici anima masinahikan tāpwēwin ēkwa minwāhkohtowin (TRC) asici anima misiwēskamik kā-natawēnihcikātēk kwayask ta-itotāhihcik ininiwak (UNDRIP), asici anima iskwēwak ohci kā-natawēnihtākwahki ta-itocikātēki, kwayask ta-nākatawēnimihcik iskwēwak (CFJ), ēkota kā-oh-tinikātēki anihi atoskēwina.

oma isihcikēwin astāw kēhcināhowin kwayask kita atoskātahkik Manitoba okimānāhk onīkānīwak kita-mino-wīcēhtocik ininiwak asici mōniyāwak , mamišitōtākēwin kita kiskēnihcikātēk, kita kēhcinahowak anihi kayas ohci asotamākwina, kita tasihcikātēk mino-ayāwin, natawihēwin, kahkinaw awiyak kita kiskēnihtahk pēyakwan isi kwayask tōtātowin.

Manitoba okimanahk atoskātam misiwē isi minwākohtowin, māka oma masinahikan anihi poko tasihtam April 1, 2024, isko March 31, 2025, āsay kākī-tōtahkik. Manitoba Indigenous Reconciliation Secretariat (Manitoba ininiwi-minwahkohtowin-omasinahikēsis) kī-masinaham ota mitātahtwāw -kā-wihtamakēk tahtwaw askiy ācimowin.

October 2023 ohci, Manitoba okimānāhk asotamākēwak kwayask kita-itastāniwahk wīcēhtowin Ininiwak ohci, ayītaw ta-wītataskēmitocik okimānāhk onīkānīwak anihi māwaci kā-kistēnihtākwahki kita atoskatakik. askiy, micimwaci-isihtwāwina, Ininiwi-pīkiskwēwina, asici Ininiwak wīnawāw, ēkwani nēwo kā-ihtakwahki pēyakoskanēsiwinihk. mistahi atoskātamwak Manitoba okimānāhk kita-maskawi-astācik ininiwi-ihtāwin ēkwa mina kita wicīhiwēcik oki ohci nēwo ininiwi-pimātisiwina, kēhcināc kwayask kita kiskēnihtahkik omino-pimātisiwiniwāw ininiwak, ayītaw onīkānīwak ta-atoskātahkik mino-

wīcēhtowin, ta-wītataskēmitocik, manācihitowin ohci asici otōtēmitowin . oma ācimowin ēkota kā-ohṭinikātēk, anita anihi nēwo ininiwi -pimātisiwin kā-kiskinowācihcikātēki.

askiy māwaci ē-nīkānēnihtākwhak, ta-kiskēnimisocik ininiwak, asici ta-tipēnimisocik, mīna mino-ayāwin kita kiskēnitahkik. ispiy 2024-25 kā-ispanik, Manitoba okimānāhk kī-wītataskēmēw Ininiwi-onīkāniwa ta-wīcihiwēcik mīcim-nākatawēnihcikēwin ohci. kī-atoskātamwak mīna kaskihcikēwin askīhk kā-ohcipanik, ēkwa mīna kī-itwēwak kwayask ta-manācihtāniwak kitaskīnaw. anima māmāwi-isihcikēwin, mōnahisōniyāwewin, māmēskoc atāmitowin, asici atoskēwin okēhcināhowahk, (Business, Mining, Trade, Job Creation) kwayask kī-wīci-atoskātamwak Manitoba asici ininiwi-onīkāniwak anima ohci māwaci kā-natwēnihtākwhaki kā-mōnahikātēki itasowēwin, ēkī-itasowēcik ta-mino-wītataskēmitocik monahisōniyāwēwin ohci, ēkwa mina kita kīsi-onasowātahkik oski itasowēwin Northlands Dēnesūḷinē First Nation asici. ēkwa mina awasimē atoskātamwak kihtwām ta-otinahkik otaskīwāw ininiwak wīnawāw ta-onasowātahkik.ēkwa mina, ina kēkac kahkinaw kā-ihtasicik ininiwak kīwētinohk ē-wīkicik, poko kita wītataskēmācik Manitoba okimānāhk kwayask ta-pamihicik oki ininiwak. wāwīs ina mistahi sōniyāw kita pakitiniht anita Arctic Gateway Group mino-wītataskēmitowin kaskihcikēwin ta-kiskēnihtākik kīwētino-ininiwak, asici awasimē kita atoskātahkik anima Seal River Watershed ininiwak ka nākatawēnihtahkik.

micimwaci-isihtwāwina, kā-isi-pimātisicik ininiwak, ēkota kā-ohcipanik ininiwi-āhkāmēnimowin, asici pīkiskwēwin mīna māmāwi-maskawātisiwin. 2024-25 kā-askīwahk, Manitoba okimānāhk kī-wītataskēmēw ininiwi-onīkāniwa kita atoskatahik oski isihcikēwin, sōniyāw kita-pakitiniht kita-wāpahtinikāniwahk anihi misiwē isi kā-osihtācik ininiwak, tāpiskōc mīkisistahikēwin, masinipēhowin, misiwē isi ē-isi-nahicik kita osihtācik kēkwana, kita kanawēnihcikātēki ohi. asici māmāwi-āhkāmēnimowin. tāpiskōc anima osāwi-papakawēyāni-kīsikāw (Orange Shirt Day) sōniyāw kākī-pakitiniht ēkwanima ohci. asici awa sōniyāw wicihwēw kita kanawēnihcikātēki kayās ohci ācimowina, ātanohkēwina, mīna kita-ihtakwhak ita ta-māmawinitocik ininiwak mino-ayāwin ta-miskahkik mina ta-mōcikihtācik pimātisiwin. kotakiya mina ta-itōcikātēki , ta-wītataskēmācik okimānāhk Manitoba aniki kā-nīkāniskahkik onasowēwin mina kā-itaskānēsicik (Departments of Justice and Families) kwayask ta-itastāniwahk simākanisiwin mina awasisak kā-pamihicik, kita mino-wītataskēmācik aniki ininiwa kā-nīkaniskawānit asici omāmāwi-ihtawiniwāwa. ta-mīnihcik mīna otipēnimisowāw ininiwak wīnawāw ta-onasowātahtihk opimātisiwiniwāw. ohi atoskēwina kita maskawihṭaw ininiwi-kiskēnimisowin asici aniskē-wāhkohtowina.

kistēnihtākwan ininiwi- pīkiskwēwin anis pimātisimakan, mina ēkota kā-ohcipaniki ininiwi- kiskēnitamowin, asici kā-isi-kanawāpahcikātēk ininiwi-pimātisiwin ota askīhk, , mina kiskēnimisowin. 2024-25 kā-askīwahk, M anitoba mino-wāhkohtowin omasinahikēwak kī-astāwak kihci-āpiwin ininiwi-pīkiskwēwina kita kanawēnihcikātēki mina kita ohpinikatēki, ēkwa mina kī-itasowēwak kita-ininiwi-masinahikātēki okimānāhk masinahikana (hansards), awasimē kita nōhkwahki ē-masinahikātēki ininiwi-pīkiskwēwina, ēkawina kita wanikiskisināniwahki. Manitoba okimānāhk atoskātām kiskinohamākewikamihokh ēkwa pāpītos itē ta-nōkwahki ininiwi-pīkiskwēwina tapitaw ta-āpacihāniwahki otē nīkān ka-ati- ispanik ta-kiskēnihcikātēki.

wīnawāw ininiwak kā-kanawēnihtahkik omaskawātisiwiniwāw , asici māmawi- tipēnimisowin ēkwa wīnawaw kā-atoskātahkik minwāhkohtowin. 2024-25 kā-ispānihk askiy, kī-pakitinam [Manitoba okimānāhk](#) wicihiwēwin ininiwak ohci opamihiwēwiniwāw, ēkwa mina kiskinohamākēwin ohci , asici [ta-wicihihcik](#) kwayask wīstawāw kita sōniyāhkēcik anihī kakī-astāniwahki ohci, asici ta-wītatoskēmitowak mina. ēkwa mina takwastēwa itasowēwin asici sōniyāw, iskwēwak ohci ka-kitimahihcik ta-wicihihcik (MMIWG2S) ota Manitoba, ta- natonikāniwahk wēpinikēwinihk, asici ta-ihakwahk nanātawihiwēwin, kiskinohamākēwin, wīkiwina, ēkwa atoskēwin. kita wicihiwēmakwana ta-ayācik tipēnimisowin ininiwak misiwē itē opimātisiwiniwāhk.

oma kā-masinahikātēk ota kiskino-wācihcikēw ta-ati-minopanik wītatoskēwin asici kwayask kita nōkwahk minwāhkohtowin ininiwak kita nīkāniskahkik. ininiwi- tāpwēhtamowin kita kiskinohtahiwēw nisitohtamowin, manācihiwēwin, māmawi- atoskēwin asici tōtamowin, oma okimānāhk atoskātām Pēyak Manitoba ta-ihakwahk , ita minwāhkohtowin ta-nōkwahk, namawina poko tāpwēhtamowin maka isi-pimātisiwin asici.